

UGOVOR BR. 11-14-29989-14/17

Nabavka i isporuka 3D printera za potrebe škola na području Kantona Sarajevo

Zaključen dana 27.11.2017. godine u Sarajevu, između:

(1) **MINISTARSTVA ZA OBRAZOVANJE, NAUKU I MLADE KANTONA SARAJEVO** sa sjedištem u Sarajevu, ul. Reisa Džemaludina Čauševića br.1, kojeg zastupa ministar prof. dr. Elvir Kazazović (u daljem tekstu: Kupac) identifikacijski broj: 4200666870003

i

(2) **R&S D.O.O. SARAJEVO**, sa sjedištem u Vogošći, ul. Igmanska bb., kojeg zastupa direktor Kemal Selmanagić (u daljem tekstu: Prodavac), identifikacijski broj: 4200056290005, PDV broj: 200056290005 transakcijski račun broj: 338 900 2208510 172 otvoren kod UniCredit Bank d.d.

Član 1.

Predmet ovog Ugovora čini nabavka i isporuka 3D printera za potrebe škola na području Kantona Sarajevo, u svemu prema predmetnoj tenderskoj dokumentaciji i prihvaćenoj ponudi Prodavca br. 16815/17, od 3.11.2017. godine.

Član 2.

Ugovorena ukupna cijena predmetne nabavke roba iznosi:

- 84.960,00 KM bez uračunatog PDV-a;
- 14.443,20 KM PDV;
- 99.403,20 KM sa uračunatim PDV-om;

Član 3.

Ugovorena ukupna cijena i uslovi utvrđeni u predmetnoj tenderskoj dokumentaciji ne mogu se mijenjati.

Član 4.

Ugovorne strane konstatuju da predmet ove nabavke čine nabavka i isporuka predmetnih roba za škole na području Kantona Sarajevo, kao što je to definirano u prihvaćenoj ponudi ponuđača, koja čini sastavni dio ovog ugovora.

Član 5.

Ugovoreni rok isporuke predmetne nabavke iznosi do 60 dana, računajući od dana potpisivanja ovog Ugovora.

Član 6.

Plaćanje ugovorene cijene izvršit će se nakon isporuke i izvršene kontrole količina i kvaliteta predmetnih roba, po dostavljenom računu, u roku od 30 dana od dana izvršene kontrole, ukoliko su predmetne robe isporučene i instalirane u traženim količinama i kvalitetu.

Kupac je dužan da odmah nakon potpisivanja ugovora, dostavi Prodavcu spisak škola sa adresama i količinama isporuke robe.

Član 7.

Prodavac je dužan pridržavati se ugovorenog roka, navedenog u članu 5. ovog ugovora.

Moguće je produženje ugovorenog roka samo u slijedećim slučajevima:

- nepogodni vremenski uslovi /snježne padavine, kišne padavine, hladnoće i sl./
- usljed više sile /vanredni vanjski događaji, ili prirodni događaji kao što su poplave, potresi i dr./,
- ljudske radnje koje se nisu mogle predvidjeti, izbjeći ili ukloniti,
- mjere predviđene organima nadležnih tijela.

Produženje roka trajat će onoliko dana koliko je trajala neka od opisanih smetnji, uzimajući u obzir vrijeme potrebno za ponovnu organizaciju rada i nastavak radova.

U slučaju nastanka razloga produženja roka izvođenja radova Prodavac je dužan Kupcu u roku od 24 /dvadesetčetiri/ sata, po nastanku razloga za produženje roka, podnijeti zahtjev za produženje roka.

Produženje roka će Kupac i Prodavac utvrditi u pismenom obliku, u roku od 48 /četrdesetosam/ sati, od dana podnošenja zahtjeva za produženje roka.

Član 8.

Za svaki dan zakašnjenja isporuke robe Prodavac se obavezuje da Kupcu, na ime ugovorene kazne, plati 5 % /pet promila/ ukupne vrijednosti Ugovora dnevno, a najviše 5 % /pet posto/ ugovorene vrijednosti.

Član 9.

U slučaju nekvalitetnog ili nepravovremenog izvršenja ugovorenih obaveza, Prodavac je obavezan Kupcu nadoknaditi nastalu štetu.

Član 10.

Garantni rok predmetne nabavke je **12 mjeseci**.

Član 11.

U slučaju pojave nedostataka tokom garantnog perioda, Prodavac je dužan odazvati se pozivu Kupca i pristupiti otklanjanju nedostataka odmah, a najkasnije u roku od 3 /tri/ dana od dana prijema poziva.

Član 12.

Sve sporove, nastale izvršenjem ovog ugovora, ugovorne strane će nastojati riješiti sporazumno, u suprotnom spor će rješavati nadležni sud u Sarajevu.

Član 13.

Za sve što nije regulisano ovim ugovorom važe odredbe Zakona o obligacionim odnosima.

Član 14.

Ovaj ugovor stupa na snagu danom potpisivanja od strane ugovornih strana

Član 15.

Ovaj ugovor sačinjen je u 6 /šest/ istovjetnih primjeraka, od kojih svakoj ugovornoj strani pripadaju po 3 /tri/ primjerka ugovora.

PRODAVAC


DIREKTOR


Broj: 2711 / 17

Sarajevo, 27.11.2017. godine

KUPAC

KANTON SARAJEVO

Ministarstvo za obrazovanje, nauku i mlade


MINISTAR

Prof. dr. Elvir Kazazović

Broj:

Sarajevo, 27.11.2017. godine